



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11/07-04-43277-88/21
Sarajevo, 17.01.2022. godine

SLUŽBA ZA SKUPŠTINSKE POSLOVE
- O V D J E -

ZASTUPNIČKA INICIJATIVA:

Zastupnica Segmendina Srna Bajramović u skladu sa članom 213. stav 1. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, broj: 41/12, 15/13, 47/13, 47/15, 48/16, 9/20 i 14/20), na nastavku 45. Radne sjednice Skupštine Kantona Sarajevo, održanom dana 14.12.2021. godine u okviru tačke Dnevnog reda „Poslanička/zastupnička pitanja, inicijative i odgovori“, uputila je zastupničku inicijativu Ministarstvu komunalne privrede, infrastrukture, prostornog uređenja, građenja i zaštite okoliša, Ministarstvu za odgoj i obrazovanje i Ministarstvu finansija Kantona Sarajevo inicijativu:

„da u okviru projekta „Energijska efikasnost u javnim zgradama Kantona Sarajevo“ na čijem se spisku za realizaciju u 2022. godini nalazi i JU OŠ OSMAN NAKAŠ posebno obrate pažnju da na postojećim radiatorima izvrše postavljanje regulatora toplote-ventila, jer trenutno je u učionicama nemoguće na drugi način vršiti regulaciju toplote osim otvaranjem prozora, što predstavlja zdravstveni rizik za učenike tokom hladnih dana, a prozori se otvaraju i u toku velikih vrijednosti prekomjernog aerozagađenja što je i dodatni rizik.

Roditelji mole da se u isto vrijeme poduzme obnova sale za tjelesni odgoj koja često usljed padavina bude poplavljenja i time su učenici onemogućeni da je koriste i po više dana. Roditelji su obavješteni da je projektom „Energijska efikasnost u javnim zgradama Kantona Sarajevo“ predviđeno samo obnavljanje krova sale, te ukoliko je to istina molim da se uradi cjelovita obnova sale u istom periodu kada se bude realizovao projekat „Energijska efikasnost u javnim zgradama Kantona Sarajevo“ kako ne bismo ostavili učenike bez sale.“

ODGOVOR:

Javna ustanova Osnovna škola „Osman Nakaš“ obuhvaćena je projektom „Energijska efikasnost u javnim zgradama Kantona Sarajevo“ iz sredstava kredita EBRD-a. Detaljnim energijskim auditom te Glavnim projektom predviđene su sve mjere navedene u zastupničkom pitanju vezane za OŠ Osman Nakaš. Kroz predmjer radova mašinskih instalacija predviđena je zamjena i ugradnja novih modernih termoregulacionih ventila na svim radiatorima. Regulacija temperature će se moći odvijati na taj način.

Sportska sala – predviđena je sanacija i utopljanje ravnog krova, zamjena staklenih prizmi loših termičkih karakteristika te utopljanje fasadnih zidova kako sportske dvorane tako i kompletne škole.

Radovi na unutrašnjoj obnovi sale za tjelesni odgoj nisu mogli biti obuhvaćeni ovim projektom jer ti radovi ne podrazumijevaju energijsku efikasnost.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Nakon što škola dostavi zahtjev sa iznosom potrebnih sredstava i nakon što Skupština Kantona Sarajevo usvoji Budžet Kantona Sarajevo za 2022. godinu, Ministarstvo za odgoj i obrazovanje će u skladu sa odobrenim sredstvima u Budžetu Kantona Sarajevo za 2022. godinu na razdjelu Ministarstvo za odgoj i obrazovanje nastojati odobriti potrebna sredstva za navedene radove.



Dostaviti:

1. Naslovu
2. Stručna služba Vlade Kantona Sarajevo
3. Sekretar Ministarstva za odgoj i obrazovanje Kantona Sarajevo
4. Arhiva



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

